



SULEQATIGIISITSISUT
SAMARBEJDSPARTIET

UKA 2018/197

UKA 2018/198

Tillie Martinussen

Uunga siunnersuut: Qamutit motorillit akileraarutaat pillugit Inatsisartut inatsisaata allangortinneqarneranik Inatsisartut inatsisaat nr. xx, xx. xxx 2018-imeersoq (Qamutit motorilinnut taamaallaat innaallagissamik brintimilluunniit ingerlatilinnut plug-in hybridbiilinnut akitsuut kiisalu igitassanngortitsinermi akiliut)

(Aningaasaqarnermut Naalakkersuisoq)

(Siullermeenera)

Uunga siunnersuut: Eqqussuinermi akitsuutit pillugit Inatsisartut inatsisaata allangortinneqarnera pillugu Inatsisartut inatsisaat nr. xx, xx. xxx 2018-imeersoq (Plug-in hybridbiilit akitsuutaat, biilinnut innaallagissamik imaluunniit brintimik ingerlatilinnut akitsuummik akiliisussaanninngineq kiisalu qamutit motorillit nunaannakkoortit minnerusut akitsuutaannik atorunnaarsitsineq)

(Aningaasaqarnermut Naalakkersuisoq)

(Siullermeenera)

(Medlem af Inatsisartut, Tillie Martinussen)

Suleqatigiissitsisuni biilit mingutsitsinngitsut akitsuutaasa peerneqarnissaat pillugu siunnersuutit ilalersinnaanngilagut. Aamma inatsisissatut siunnersuutini allanngutissatut siunnersuutitut tunngavilersuutigineqartut isumaqarpugut ikkappallaartut. Oqaatigineqarpoq akitsuutit allangortinneqartuuppata kingornalu erserluni kinguneri ajortut taava kujuummissutissat allangortinneqaannarumaartut.

Ilungersuutigereerlugu avatangiisinut mingutsitsinngitsunik nunakkut angallateqalernissaq taava maannakkut biilinnit mingutsitsisuniik mingutsitsinnginnerusunut pisinermi iluaqutissat piiarnialerpagut.

Pipallattuliortaqaattarneq unitsittariaqarparput taamatullu allangortitsipallattarnerit ukiut sisamakkaarlugit, aningaasanik sulii amerlanerusunik aallerusuinnarluta innuttaasunut akitsuutit sulii amerlanerusut aqqutigalugit.

Piffissaq ungasinnerusoq isigalugu pilersaarusiortariaqarpugut pisortallu allaffissornerat millisarlugi - ukulu sinnersuutit taamatut siunnertaqarpasinngivipput.

Eqqakkanulli akitsuusiinissaq tapersorsorparput.

Allanngortitsinissaq kissaatigineqarpat allanngortitsineq piffissaqarluarluni eqqukkiartuaarneqartariaqarpoq aamma pitsaasunik tunngavilersuutitalerlugu, innuttaasut inuutissarsiortullu taamatullu pisortat suliffeqarfii il.il. periarfissaqartillugit allanngortiterinissaannut. Inuutissarsiortut kommunillu isumaqatigaagut oqarmata allannguinerit naapertuunnerusumik eqqunneqarsinnaasut taamatullu aamma siunnersuutit matuma nunakkut angallatinik motorilinnit mingutsitsinngitsunik pisinissaq pilerinernerulersinnaviangikkaa.

Taamatut naatsumik oqaaseqarlunga innersuuppara siunnersuut itigartinneqassasoq.



**SULEQATIGIISITSISUT
SAMARBEJDSPARTIET**